

АЛА ЦАЪРГА:
СУНА УЫШ БЕЗА

*Хъан дахаре болчу Делан безамах
гучудаьлларг схъаоьцуш*

ДЖОЙС МАЙЕР

ДЖОЙС
МАЙЕР

Ала цаьрга:
Суна уьш беза

Делан Йозанаш тѳера ерриге а цитаташ дукха хийца а хуьйцуш Делан Йозанийн Шординчу гочдарна тѳера – The Amplified Bible – ялийна ю.

РСП элпашца билгалгяхна цитаташ оьрсийн Синодальни гочдарна тѳера ялийна ю.

ДИААЛА ЦАЪРГА: СУНА УЫШ БЕЗА

© 2011 Джойс Майер

TELL THEM I LOVE THEM

ISBN 0-89274-783-8

©1995 by Joyce Meyer

Ерриге а бакьонаш авторийн бакьонех долчу дуьненаюкьарчу законаца чӀагӀийна ю.

Киншкин чулацам а, мужалт а, авторо йозанца еллачу бакьонца бен, дийнна а, я дакьошкахь а тѳеяккха йиш яц.

Чулацам

Хьалхара дош	5
1. Далла шу деза!.....	7
2. Далла хьалха тоъал дика дуй те шу?....	13
3. Безам – иза юкъаметтигаш ю.....	22
4. Безам, тешам, тешар.....	29
5. Кхерамах паргIатвалар.....	36
6. Безамо дIало.....	41
7. Делан безамо шу хуьйцур ду.....	48
Дохковаларан доIа.....	52

Хьалхара дош

Суна хетарехь, нахана уггар чIогIа Делан безамах хаам оьшу. Далла вайх хIорра а веза – и бакъдерг чIогIа мехала ду Дала леррина Къобалвинчунна тIаьхьахIоьттинарг толам болчу дахарехь вахархьама. Вайна Делан безамах дерг хаар эшна ца Ia – вайна Делера хаам оьшу. Амма иза Дезачу Сино бен луш бац, Делах тешаш верг, Делан безамах ойла а еш, цуьнга са а туьйсуш, иза шен дахарехь муха гучуболу а хьобжуш, Делан Йозанашкахь а, доIанашкахь а цу безамах Делера болу хаам а лобхуш волчу хенахь.

Шуна атта ду тIеэца, Шена дуьне оццул дукхадезарна, Ша леррина къобалвина Ийса дерриге а адамашна тIера вала Дала вахийтина хилар, амма шуна дукха хала ду теша Далла шаьш дезаш хилар, хьоме ешархой. Шух дуьненчохь цхьаь бен ца хилча а, хIетте а Ийса шуна цхьанна тIера вала вохуьйтур вара Дала, оццул шу дукхадеза Цунна.

Суна дукхазза а халахетарш хилла, амма Дала Шен кьинхетамца Дезачу Синехула схьадиллина суна, мел боккха бу Цуьнан соьга болу безам.

Оцу хаамо дерриге а сан дахар а, Везачу
Элаца йолу сан юкъаметтигаш а хийцира. Со
сатесна ю, хЮкху киншки тІера дешначо Делан
безамах керла кхетам шуна баларе, Цуьнгара
хаам шайга кхача шу лууш хиларе. ХІара жима
киншка леррина, Іаморан гІирс санна, Делан
Йозанаш тІерачу аятех а, ас кхуьнан агІонаш
тІехь яздинчух а ойла а еш, аш еша лаъара суна.

Ас сайн киншка ло хьуна, хьоме ешархо,
Делаца ца хилча, со хІумма а йоцийла а хууш,
муьлхха а Цуьнгара хаам а, Цуьнан Дашах
кхетар а Делан ниІматца сайна деллийла а
хууш.

1

Далла шу деза!

*Хунда аьлча Шен цхьаь бен воцу Клант
дIаваллал дезна Дала хIара дуьне, муьлхха а
Цунах тешнарг, хIаллак а ца хуьлуш, Ша
волчохь долчу хедар доцчу дахаре
кхачийтархьама.*

- Яхьбян 3:16

Далла доьзал хила лаьа, цундела кхоьллина
Цо вай, вайх Шен бераш хилийта. Амма Цунна
ца лаьа вай аьрха а, хьекьал доцуш а лела, –
Цунна вай Шех дозуш а, Шена тIетевжаш а,
Шех бIобулуш а, Ша везаш а, *вай Шена ваьш
дезийта пурба луш а* хила лаьа. Вай Шех тешна
хила а, оьшуш хIума хилча, Шега кхайкха а
лаьа Цунна. Вайца хIоранца юкьаметтиг хила
лаьа Цунна.

Дукхахберш Делан Йозанаш тIера и аят
доьшучу хенахь цунах дика ца кхета: «ХIаь,
суна хаьа Дала леррина Кьобалвинарг дерриге
а дуьненна тIера веллий». Амма ма мотгалаш
Цо Шен дахар адамийн тобанна тIера дIаделла,

– Иза *хІора стагана тІера* велла. Иза *хьуна тІера* велла!

Нагахъ кху дуьненахъ хьо цхьаъ бен вацахъ а, Иза хІетте а хьуна тІера лийр вара. Ерриге а халонех хьан дуьхьа чекхваьлла Иза. Ийса хьуна тІера велла, хІунда аьлча Цунна хьо веза, абаденналц везар а ву.

Цкъа со машенахъ йогІучу хенахъ, Дала соьга элира: «Джойс, хьо Суна Сан йоІбІаьрг санна ю». Суна ур-аттал и дешнаш Делан Йозанаш тІера дуй а ца хаьара. Цу сохьта иблисо соьга шен ойла схьакъадийра: «Куралла хьуна чохъ гучуюьйлург! Хьо дукха лакхаяьлла-м ца хетта хьуна?» Со резахилира цо бохучунна: «Сан сайх лаьцна иштта ойла хила ца еза». Вайна хала ду, вай шатайпа ду, вайн хІара я кхин говзалла ю, вай кхечарах къаьсташ ду аьлла, тІеэца. Амма хІетте а вайх хІорра а шатайпа ву, хІорра а Стигаларчу Дас кхоьллина ву, хІорра а кхечу нахах къаьсташ ву.

Ас оцуьнан ойла ечу юкъана Дала суна сурт хІоттийра: туькана чохъ лаьтташ йолу зуда ГІопастана тІерачу Іежашка хьожуш ю. Иза леррина хьоьжу Іежашка, царна юккъера уггар диканиг а карабой, цо куьг кховдадо, иза схьаэца дагахъ. Юха Везачу Эло соьга элира:

«Ас дуккха а кхечарна юккьера хаьржина хьо, хIунда аьлча Суна хьо шатайпа хета»

Со Цунна шатайпа хета! Ишттаниг цхьа кура аьлча

санна хетало, амма Дала вайга хIоранга а олу иза. Цо иза вай массарал а дика долу дела олуш дац. Цо боху, вайх хIорра а – шатайпа стаг ву. Иза Делан Йозанаш тIехь тIечIагIдеш а ду: Дала хIоранга шега боху: « Хьо Суна Сан йоIбаьрг санна ю».

Делан и дешнаш тIе а ца оьцуш, айса-сайх бехкаш даха хIиттира со сайн дукха лакхара йолчу ойланех. Масех де даьлча, ларамаза Делан Йозанаш схьа а диллина, ас дийшира: «Хьайн тIемийн ИндагIехь хьулвехьа со, йоIбаьрг санна, ларвехьа со» (Забур 16:8, РСП). Ас элира: «Иза билггал Дела вара. Со Цуьнан йоIбаьрг санна ю!» Оцу дешнаша суна дагадоуьйту со шатайпа хилар.

ХIора стагана ша чоIга цхьанна везаш хила лаьа. И безаман хьогалла Везачу Эло йиллина вайна чу. Далла дерриг дуьне дезна хиларх а, Цунна Ийса везаш хиларх а вай тешахь а, стенна делахь а, вайн шеко хуьлу Далла *вайх хIорра а* веза аьлча. ХIетте а Дашо хьобху, Далла вай, Ийса санна, дукхадеза.

«Дена Шен КІант веза, цундела Ша мел дийриг дерриг а гойту Дас КІантана. Шу цец а дохуш, кхин а сов гІуллакхаш гойтур ду Дас Цунна» (Яхъѣян 5:20). Кхузахъ Дала боху: «Ас Іийсагахула даккхий гІуллакхаш кхочушдо, кхин даккхийнаш а дийр а ду, шу цец а дохуш» (авторан парафраз). Хаалаш, Далла чІогІа лаба Шен куьйгаша дечух шу цецдовлийта а, даккхийдейта а. Цунна чІогІа лаба, аша, Делан Йозанаш доьшучу хенахъ Цо Іийсагахула динчу сийлахъчу гІуллакхашна те тидам а бохуйтуш, олийла: «Веза Дела, ма исбаьхъа ду Ахъ динарг дерриг а!»

«Бакъдерг боху Ас шуьга: и Ас дийриг Сох тешачуьнга а далур ду. Кхин а сов гІуллакхаш далур ду цуьнга, хІунда аьлча Со Сайн Да волчу вьвду» (Яхъѣян 14:12). Іийса Шен Да волчу дІавахана, цундела Далла шуьгахула и санна гІуллакхаш дан лаба – ур-аттал кхин а даккхийнаш. Шу теший оцунах? Билггал теший шу, Дела, шу деза а дезаш, шуьгахула гІуллакх дан лууш хиларх?

Цкъа, со Делан Дош Іамош йолчу хенахъ, Везачу Эло соьга элира: «Джойс, хІора дийнахъ адаманна тамашийна хІуманаш до Ас, хІунда аьлча суна деза уьш, амма царна Ас динарг ган а ца го.

Цара цуьнан ойла а ца йо. Цхьаь бен масал далор дац Ас хьуна. ХІора дийнахь Айса малхе: «ХьалагІатта» аьлча, Ас иза Джойсан а, Беттин а, Джиммин а, хьан а ... (хьайн це хІотгае кхуза) дуьхьа до.

Ойла ейша: хІора дийнахь малх стиглахь *шун дуьхьа* хьалагІотту. Маьлхан хьалагІаттар мел исбаьхьа ду!

Амма аш и хилам гуттар а хила безаш санна тІеобцу. Шуна хаьа малх билггал хьалагІоттур буйла, амма шу ца кхета иза леррина *шайн* дуьхьа гІоттуш буйла. Йовхачу хенахь догІа догІучу хенахь иза а *шун* дуьхьа догІуш ду. Дерриге а хуьлуш долчо Делан шуьга болчу барам боцчу беамаха тоьшалла до.

«Иштта хаалахь, Веза Эла, хьан Дела, Тешаме, Шен ваІда а, Ша везаш болчаьрга, Шен весеташ лардечаьрга болу кьинхетам а эзарнаш тІаьхьенашкахь лардеш волу Дела хилар». (Карлабаьккхинарг 7:9)

Эзар тІаьхье тоьар юй те, шу эххар а Делан безаман сийлаллех кхеттал? Иза гуттар а волуш волу Дела ву, Иза цхьана а хІумано кІадвийр вац. Хила тарло, шуна хета, шайш Дела шайн аьтто ца хиларца а, кхачамбацаршца а кІадвина? ХІан-хІа, ишттаниг хуьлийла дац!

Цуьнан безам кхачош бац, цхъана а хІумано
Делан шуьга болу безам дІабоккхур бац. Безам
– иза Дала шуна деш долу цхъацца гІуллакхаш
дац. Безам – Иза Ша ву.

ХІокху дуьненна тІехъ лелла уггар а боьха,
телхина кьинош летиьнарг а веза Далла, Иийса
цо тІе ца эцнехъ а, иштта а аьлла: «Суна Хьобца
юкьахъ цхъа а хІума хила ца лаьа, со реза ву,
жобжахатин цІерга со кхачахъ а». Цунна муха
ца деза Шен кІант я йоІ хилларш?

Хила тарло, аша Иийса шайн дагчу схъаэцна,
Деле а дукхазза а Иза шайна веза аьлла аша,
амма хабтта лаьа шуьга: *шу теший Далла а
шаш деза аьлча?*

Иза сел атта ду: *Далла шу деза*. Нагахъ кху
дуьненчуьра кхидолчух шу кхета гІертахъ, оцу
аттачу бакьдолчунна тІехъ чІагІло.

Шуна кхин а дуккха а хаарх, мел леррина
Делан Дош аша Іаморх, шун дахарех аьтто хир
бац, нагахъ Везачу Элана шаш чІогІа дезар аш
тІе ца лацахъ. Делан безам буй хаар шун
тешаран бух, шун кьинах паргІат хилар, ца
кхобруш нахана гІуллакх дар ду. *Теоьций аша
Делан безам?*

Далла шу барам а боцуш деза!

2

Далла хьалха тоьал дика дуй те шу?

Ишттачу сатийсамо цкъа а дохко ца воккху, Iexa ца во, вайна эхь ца хоьтуьйту, xIунда аьлча Делан безам вайн дегнашка вайна деллачу Дезачу Синца баьржина.

Вай гIорасиз долчу хенахь (ваьшина дан xIума а доцуш гIийла), цхьана билгалчу хенахь Дала леррина Къобалвинарг Iесачарна тIера велира.

Наггахь бен бакъахьара волчун мета цхьана а стагана вала а лаьа. Делахь а дикачун мета вала цхьаь реза хила а там бу. Амма , вай хьарамлонаш лелош долчу хенахь, вайн дуьхьа велла Дала леррина Къобалвинарг (Машахь, Дала Къобалвинарг).

Цу тайпана Шен вайга болу безам мел боккха бу гойту Дала. Iийсан цIийца вай бакъдина хилча (бакъахьара нах а хилла, Далла хьалха нийса меттиг дIалаьцна), Цуьнгахула муххале а(шеко йоцуш) кIелхьардевр ду вай Делан оьгазлонах.

Вай Шен мостагIий долчу хенахь Дела вайца тайра Шен KIентан валарца. Дала Шеца

*тайтина долу вай, хІинца муххале а (билггал)
Цуьнан КІантехула кІелхьардевр ду(денна а
кьинан тІелаткъамах дІа а хедаш), КІант
дийна волу дела.*

- *Римахошка 5:5-10*

Дукхахболчарна моьтту, шаьш дика лелачу хенахь бен Далла ца деза. Дуккха а адамаш шайна реза дац, Дела а шайх воккхавеш вац аьлла, хетта царна. Делан Йозанашкахь аьлла ду: «ХІун ду адам, Хьуна иза дагахь латта?» (Назма 8:5). Жоп атта ду: шу – Дала кхобллина ду, Далла шу деза Шена деза дела, хІунда аьлча «Дела безам бу» (Яхьъян 1-ра 4:16).

Везачу Элана хьо веза. Хьо – шатайпа, цхьаь бен воцу, леррина верг ву. Хьо сох я кхечух тера хила гІерта ца веза. Стаг цхьаннах тарвала гІерташ хилча, иза чІогІа декъаза хуьлу. Иштта леларца аша иблисан аьтто бо шаьш тешо, шу Далла хьалха тоьал дика дац бохучух. Амма шуна ца оьшу Далла хьалха «тоьал дика» хила хьовса.

Іийсас валар хьо сел сийлахь а, шатайпа а стаг хиларна тІе ца ийцира – кьинош летийначуьнга хІоранга болчу безамо валийра Иза жІари тІе. Делан Йозанаша боху, шу тІех чІогІа дезадаларна шунна тІера велира Иза. Ткъа мел боккха хир бу хІинца Цуьнан шуьга

болу безам, Цуьнан цийца шу цандина хилча?
(хьовса Римахошка 5:9).

Цуьнан безам тоьаш бу хлора дийнахь шун
кхачамбацаршна а, галаташна а гечдан.Цунна
тоьал члогла деза шу, хлора де аша дика
чекхдаккха шуна гю дал.

Цкъа Дала цхьана масала тлехь гайтира суна,
Цунна муха го вайн галаташ а, аьтто бохарш а.
Шен нанас чохь гуллакх деш хьобжуш йолчу
кхо-диь шо кхаьчначу йоан сурт хлотгадейша
шайна. Шен нана члогла езарна, цунна гю дан
лаьа йоана. Жимачу ведар чохь хи а оьций,
горгам а карахь кора а тле а йогий, леррина иза
цандан хутту иза. Нанна цо дина
«гуллакхаш» гича, йоана дов дан дог догу,
хунда аьлча цо кхуьнан тоьлла горгам
йохийна. Амма йола хазачу дуткьачу озаца
боху: «Мама, хьажахь ас кор муха дилина. Со
леррина яьллира хьуна. Суна хьо члогла
дукхаеза, мама!» ЙоI езачу нанас цунна
баркалла олу: «О, ахь дерриг а члогла дика
дина, баркалла хьуна!» Ткъа тлаьхьа, йоI кхин
гуллакхаш дан хьобттича, нанас дерриге а дла а
нисдина, эр ду цуьнга, цхьа хлума дале шех
дагаяла аьлла.

Дала схьадиллира суна, билггал иштта вайца
а ву Ша аьлла. Цо гуттар а длайоху вайн
галатийн тлаьхьалонаш.

Нагахь шу ницкъ ма-кхоччу Цунна тамехь дерг дан гІертахь,

Далла иза тоьаш ду. Цо вайга ца далуш дерг вайгара ца доьху. Нагахь аша бахахь: «Веза Эла, со нийса вац. Со гІиртира, амма соьга хьал хийца ца ло», – Цо шуна гІо дийр ду, хІунда аьлча Цунна хаьа Шен гІо ца хилча, шу ларор доцийла.

ХІунда аьлча Ша Дала ваийтинчо Делан дешнашица дуйцу (Делан хаам кхайкхабо), Дала иза барам боцуш Шен Сих вуьзна дела.

Дена Шен КІант веза. Цо массо а хІума Шен КІентан кара дІаделла.

Яхьъян 3:34-35

Цкъа, и аят Іамош, цунна тІехь ойла еш, со хазаетта йилхира, Дала вайна Синан цхьа дакъа делла ца дуйтий хиьна. Цо цхьажимма хІара, цхьажимма важа ца ло вайна. Цо боху: «Схьаэца дерриг а Сан дерг», цундела Делан безаман шорталла а, ницкъ а хуьлийла ду вайн тахана. Цуьнан дерриг а вайна оьшург долуш ду, Цунна вай иза схьаоьцийла лаьа.

ХІунда? ХІунда аьлча Цунна шу деза! Цуьнан безам баккха безаш бац. Оьшуш дац, сурт санна, хаза хила а, я Іилманан дарж хила а.

Далла шуна совГат дала лаба дуьххьалда
Шена шу дезарна.

*Хунда аьлча хьо деза а, къастийна а халкъ
ду Везачу Элана, хьайн Далла: Везачу Эло, хьан
Дала, хаьржина хьо, лаьтта тIехь дехачу
дерриге а халкъаина юкъахь хьо Цуьнан Шен,
шатайна халкъ хилийтархьама.*

*Везачу Эло хьо дерриге а халкъел доккха ду
аьлла ца хаьржина, хьо-м дерриге халкъел
жима ду.*

Карлабаьккхинарг 7:6-7

Дала израилхой хаьржина царх Шен халкъ
дархьама. Тахана вай – Делах тешарш, Цуьнан
халкъ ду, цундела и аяташ вайна догIуш а ду.
Дала аьлла: «Ас шу ца хаьржина, лаьтта тIехь
уггар дукха ду, шун гIуллакхаш дика ду, ткъа
шу шаьш сел исбаьхьа ду аьлла».

Кхин цкъа а израилхой кхечу халкъел жима
халкъ ду а аьлла, кхидIа а Цо боху:

*Амма Везачу Элана шу дезарна, шун дайшина
Ша дела ваIда лардарна, Везачу Эло Шен
ондачу куьйгаца ара а даьхна, лоллера
паргIатдаьхна шу, тирIунан, Мисаран
паччахьан, куьйга кIелхьара.*

Карлабаьккхинарг 7:8

Иза инзаре хІума ду, сан доттагІа! Дала боху: «Суна веза а велла, хьо веза ву аьлла, дІакхайкхийна Ас. Хьо – шатайпа ву аьлла Ас. Хьо кьинош доцуш а, дика а ву аьлла, ца хаьржина Ас, Сайна хьо везарна хаьржина». Далла шайгара хІун оьшу хаьий шуна? Цунна лаьа, Шен безамах теша а тешна, аш иза тІеобцийла.

Вайх дукхахболчарна уггар йоккха хало ю вай ваьшна реза ца хилар. Вайна ваьш массарел а вон ду моьтту, цундела вай ца теша, Далла я кхечунна вай деза аьлча. Вай ойла йо: «Со муха везар ву – сан сел дукха кхачамбацарш ду?»

Шайна гергахь шу тамехь доцуш а, ирча а хилча, цо шун дог-ойланна а, леларна а, дешнашна а тІеІаткъам бо. Аша шайна кхоьллинчу вастал дика хир дац шу.

Сан а яра изза хало: со сайна реза яцара, ницкъ ма-кхоччу хийцаяла гІертара со. Суна со тІех дукха луйьш ю моьттура, цундела къамел кІезиг дан гІертара со. Иштта леларо соьгахь депресси кхуллура. Массара а хойттура, со йист ца хуьлуш хІунда Іа, ткъа ас ойла йора:

«Аша шаьш ма олура, сан мотт бежа бу. ХІинца со Іадйитийша, цу кхачамбацарш дІакъаста гІерташ ма ю со»

Дуккха а шерашкахъ къахыйгира ас, амма хІинца а сайн мотт бахъанехъ цатемаш хуьлу суна. Ас тидам бина, къамелана тІера болчу дукхахболчу наха шайна зуда я майра бист кІезиг хуьлуш берш хоржу, ткъа иблисо цунах пайда оьцу.Цо гуттар а дагахъ латгадойту царна, мел бежа мотт бу къамелаш дан луучеран, иза бахъана долуш цаьрга шаьш *бехке а дойтуш*.

Ваьш бехкедарх вай паргІатдаха лаъа Далла. Амма паргІатхилархъама, тешар а, доьналла а хила деза.

Шуна хаьий, шайна реза ца хиларо шун цхъа а ледарло бакъ ца йойола. Амма вайна хала ду теша, Далла вай деза, вайгара цхъа сонта хІума даьлча а, бакъ дац иза?

Иблисо юха а, юха а бохур ду шуьга, хьо вон стаг ву, хъан бос дика бац, хъан хала амал ю: «Иза хьобга муха дан дели? ХІинца хьо мила ву аьлла хета хьуна? Дала хьо цкъа а декъалвийр вац хьуна, хьо къинош летийнарг ма ву. Делах лаьцна ахь хІун дуйьцур ду нахана, ахь дерриг а нийса ма ца до?»

Иштгачу хенахъ Деле доІа де: «Веза Эла, соьгара гІалат даьлла, со дохковаьлла айса диначунна. Доьху Хьобга гечдехъа суна. Со теша Айхъа сайна гечдина хиларх, иблисе со цу тІера юха а ваккхалур вац». ХІинца хьуна

гечдина – хаза а хета, ирсе а хила! Хила тарло, ахь ойла йо: «Ас иштта гІалат дуьххьара долуйтуш ма дац...». Ас а йора иштта ойла, со бехке ян саццалц. *Айхья динчунна хьо бехкевар сацаде – тІаккха гІалаташ а дуьйлуйтур дац ахь!*

Бехко а, бехке варо а охьатаІадо шу, паргІато дІайоккху шуьгара. Ша-шен бехкеварх дІакъастархьама шуна тешар а, добналла а оьшу: синца чІагІлой, белшаш нисъйй, *хаддош бехке хиларан синхаам дІататта*. Иблисо шуьга эр ду: «Ахь хІун до, цу гІуллакхна дог доьхна а ца хила воллу хьо? Хьобгахь вон хьал масех сохьтехь мукъане а хила ма деза. Хьобгара даьлларг чІогІа вон хІума ма ду». Иблис дІасацаде: «Тоьар ду, цу тІехула дог доьхна лелар вац со». Цкъа хьалха шуна хала хир ду цунна дуьхьало ян, амма къар ма ло, тІаккха шайн бехкехетар эшалур ду шуьга.

Делан Дашо боху, Гийсас вайн кьинош тІеэцначу хенахь, Цо иштта вайн бехк а, ваьш бехкедар а Шеца дІадаьхьира (хьовса ЕшаІ-ЯхІу 53:5-6,11). Амма иблисана лаьа аш шаьш бехкедар кхидІа а хьойла. ХІунда? ХІунда аьлча бехкедаро шу Далла генадоху. Делан безамах билггал зовкх хьегар ца хуьлу шун, нагахь шаьш бехкедаран мохьана кІелахь шу

дохкуш делахь. Ткъа иза, аьчган кирхъа санна,
шуна а, Далла а юккъехь лаьтта.

Шуна тIехь олалла деш бехкенам синхаам
хилча, шуна Веза Элла гойла дац. Дерриг а
шуна гуш дерг – шайн бехк а, къа а ду.

Шаьш бехке ма де, тешалаш: нагахь Дала
бохуш делахь, Цуьнан къинхетам тоьаш бу шун
къинош дIахьулдан, – иза иштта дан а ду.
Везачу Элана шу деза, цундела Цо Шен
къинхетам а, гечдар а ло шуна. ДуьххьалдIа
схьаэцийша уьш. *Далла шу чIогIа деза!*

3

Безам – иза

ЮКЪАМЕТТИГАШ Ю

Ткъа вайна Делан ваьшга болу безам бовза а бевзина (кхета а кхетга, тIе а эцна), вай цунах теша а тешна (вай цуьнца чIогIа доьзна а ду, цунна тIетевжина а ду).

Дела Ша а безам бу. Безамца верг Делаца ву, Дела Цуьнца а ву.

- Яхъян 1-ра (4:16)

Делан безамах дика муха кхетар ву? Нагахь Далла шаьш дезарх шу дика кхеташ дацахь, мел чIогIа иза хиларх цу безамо шуна гIю дийр дац.

Хайй хьуна, мел дика хуьлу дага тIехь, цхъанна хьо чIогIа веза а везаш, цо иза лечкьош ца хилча. Иза бовха, исбаьхьа синхаам бу, дерриге а дуьненна дуьхьалвала хьуна ницкь луш болу. Далла хьо веза, Цунна лаьа хьуна Шен безам гойла.

Цунна лаьа хьо хIора дийнахь Шеца къамел деш хила.

Делаца уллора юкѡаметтигаш юй хѡан?
Дуккха а шераш хѡалха схѡаэцначу
кѡелхѡарваларо ца гойту хѡо Делаца йолчу
юкѡаметтигех зовкх хѡоѡгуш хилар. Ёуйранна
ас бѡаьргаш схѡабиллича, уггар хѡалха сан
коьрте Делах йолу ойла йогѡу, дѡаюьжучу
хенахъ тѡаьххѡара ас дагалоцург а Иза ву. Суна
дерриге а дуьненахъ кхин хѡумма а ца оьшу,
сайн Везачу Элана гѡуллакх дар, Цунна оьшург
дар доцург. Оцуьнан дуьхѡа вайн дерг дерриг а
дита мегар ду.

Дала вайна чохъ меттиг кхоьллина, Цо
цхѡамма бен хѡалаюзур йоцуш. Вайна лууш
долчо, вай тѡекхача луучо кхечу цхѡана а
хѡумано и меттиг хѡалаюзур яц. Хѡан хѡайга
ала йиш ю: «Суна иза хѡинцале хууш ду. Ас
Ийса тѡеэцна». Амма хѡора минотехъ, хѡора
дийнахъ, муьлххачу а хѡолехъ Цунна тѡевогѡий
хѡо? Делан безам тѡеобций ахъ?

Далла хѡо веза, хѡо Цунна шатайпа а,
леррина верг а ву. Цуьнца юкѡаметтигаш хила
кхоьллина ду вай.

Цунна чѡогѡа лаѡа и юкѡаметтигаш хила,
вайн дахарна лерина Цуьнан кхачаме лаам буи
за. Хѡора Ёуйранна вайга хѡоьжуш, Цо боху:
«Ёуйре дика йойла, Суна веза хѡо».

Сан доттагѡчунна, ша доѡа дечу хенахъ, сурт
хѡоьттинера. Цунна гинера, Ёуйранна Да

америкахойн цѐнош чу вьѐдуш. Иза чувьѐдура, цаѐрца кѐамел дан лууш. Кресло схѐа а ѐѐций, стола улло ѐхѐахуура Иза. Нах, хѐала а гѐуѐттуш, тѐе а ѐхуш, дѐаѐбхура, тѐе а ѐхуш, дѐаѐбхура. Цара олурѐа Цуѐнга: «Жимма тѐаѐхѐѐ. Кхузахѐ жимма собардехѐа, Дела. Сайн гѐуллакх чекх ма-даѐккхина, со Хѐѐѐца вистхила схѐавѐгѐур ву. Вай кѐамел тѐаѐхѐѐ дийр ду, Дела. Жимма собардехѐа. Тѐаѐхѐѐ, Веза Эла».

Де чекхдолуш дара, иза гинчу ѐѐѐа шен дог эѐккха доллу эѐира – цунна гира, корта ѐхѐа а таѐийна, цѐа чуѐра араволу Дела. Цѐхѐа а ца веара цу дийнахѐ Цуѐнца кѐамел дан.

Гѐуллакхна сел чувьѐлла стаг ма хила. Нагахѐ Деле доѐа дан а, Цуѐнца кѐамел дан а хѐуна хан ца тоахѐ, хѐѐ балхана чувьѐлла стаг ву. Хан караѐ Деле ала, хѐайна Иза мел чѐѐгѐа веза.

Дуѐненан дахар чекхдаѐлча, цѐхѐа Дела бен вуѐсур вац. Хѐѐ Цунна хѐалха хѐѐѐттича, дукха тѐаѐхѐа хир ду Цуѐнца юѐѐаметтигаш кхоллар дѐаѐдоло. Иза хѐѐ стигала кхочур вац бохург дац. Амма хѐан даре дан дезар ду, хазачу дахарехѐ вахаран ирсах хѐѐ ваѐккхи ахѐ.

Ас хѐѐѐга боху, дийнна цѐхѐана шарахѐ дуѐххѐалдѐа *баѐѐѐ ло Далла хѐѐ везийта*. Хѐайн ницѐѐѐаца динехѐ сийлахѐ майра я зуда хилар

дита. Делаца, хьо жима бер долуш санна, хила. Хьайн Ден голаш тIе хаа, бакьо ло Цунна хьо везийта. Хьайн безамца Цунна жоп далалур дац хьобга, хьо веза Цунна ахь бакьо ца елча.

Яхьбян 1-чу кехата тIехь(4:16) аьлла ду: «Ткъа вайна

Делан ваьшга болу безам бовза а бевзина (кхета а кхетта,тIе а эцна), вай цунах теша а тешна (вай цуьнца чIогIа доьзна а ду, цунна тIетевжина а ду)

Тахана Iуьйранна самаваьлча, цхьана минотехь йина а, ойла йиний ахь, Далла хьо мел дукхавеза аьлла?

ЦкъацIа, самаваьлча, хьуна хаало хьайн цхьа а хIума дан дог ца догIий. ТIаккха дегI меттахдаккхархьама багане болх байта беза, хьайн синан стаге, хьала а гIаьттина, дуккха дика гIуллакхаш дайта деза.

Хьо Iуьйранна самаваьлча, ахь ала деза: «Дада, ас баркалла боху Хьуна Хьан соьга боккха безам хиларна. Со Хьуна чIогIа баркалле ву, Ахь суна тIера Iийса вала вахийтарна. Дада, ас баркалла боху Хьуна Ахь со Дезачу Синах вузорна. Ас баркалла боху Хьуна денваларан ницкъ соьгахь хиларна. Веза Эла, ас баркалла боху Хьуна, со тахана миччанхьа велахь а, сан декьалдар ду.

Дела, Хьуна со дукхавеза, Хьан безам суна тЕбуссуш бу хЮкху метгехь, сан хЮсамехь. Хьуна со веза! Со Хьан хьоме бер ду. Со Хьан бѢаьргийн нур ду. Хьуна со веза!»

Ахь хьайга баха деза, хьо кхета а веза, хьуна хаа а деза, хьо Делан безамна юккъехь вуйла, цо дѢахьулвина вуйла. Делан Йозанаша боху, Цуьнан кераяккъашкахь томмагѢаш ду – хьан сурт (ЕшаѢ-ЯхЮу, 49:16).

Ас сурт хЮтгадо, Цо муха олу, оцу томмагѢашка а хьожий: «Хьовсийша, шуна гой? Хаза дац ткъа уьш? Суна сел чЮгѢа деза уьш. Хьовсал Сан берашка, хЮрш ду уьш, Сан куьйгаш тѢехь». Хьан сурт массо а ханна дагахь латтош ду Цунна хьо везаш хилар а, хьовца юкъаметтигаш Цунна хила лаар а.

Далла баркалле а хила, Цуьнца йолчу юкъаметтигашкахь лакха а вала. ЦкъацѢа, доѢа дечу хенахь, бертал а вожий, баркалла ала Цунна хьо кѢелхьарваккхарна. Деле деха, веза Иза. Цуьнан дешнаш деша Яхььян 1-чу кехата тѢера(4:16-17): «Дела Ша а безам бу. Безамца вверг Делаца ву, Дела цуьнца ву. Вайна чохь безам хилар иштга гучудолу (Цуьнца вай цхьаьна а, юкъаметтигаш йолуш а долу дела): вай къематдийнахь доьналла долуш хир ду...» Далла хьо везий а хууш, Цунах теший хила.

Нагахь хьо веза Далла ахь бакьо лахь, ахь Цуьнан декъалдарш схьаоьцур ду: сийлахь тешар, кьинна тIехь толам, товалар, токхалла а, хазахетар а. Дерриг а иза хир ду, нагахь ахь хьо веза Далла пурба лахь. Кест-кеста вай хуьйцу и ойла, Дела веза вай декхарийлахь ду олий.

Со тешна ю, цкъа хьалха ахь Далла пурба дала деза хьо везийта. Хьобга гайталур бац Деле болу хьайн безам, цкъа хьалха ахь хьо веза Цунна пурба ца делча.

Ас хьехар дийр дара, Делаца къамел де, хьайна Цуьнан доттагIалла билггал оьшу ду ала аьлла, амма иштта хаттар хIутту: муха дийр ду иза? Дала соьга Шеца къамел дан кхайкхича, ас, диванна тIе охьа а хиьна, элира: «ХIинца хIун хир ду, Дела?» Иза билггал иштта дара. Суна ца хаьара айса Делаца къамел муха дан деза, хIунда аьлча цу хенахь суна ца хаьара, Далла со мел чIогIа еза.

Хьобга муха гайталур бу хьайн деган синхаамаша хьайна безачу а, хьо воккхавечу а нахана, нагахь хьо тешна вацахь, царна хьо веза аьлла? Хьайх Iовдал ван кхоьрур ву хьо. Ваьшца дика болчарца бен вайна аьхна ца хета. Сан майрачуьнца йолу юкъаметтиг кхечаьрца чул паргIат ю, хIунда аьлча со тешна ю цунна со езарх. Иштта ду Делаца а.

Хьалхара гIулч яккха.

Бе Цуьнан и аьтто, тIаккха Цо Iамор ву
Шеца кIамел дан. ХIинца хIайга хаттар ло:
«Делаца дика дуй суна?»
Далла хьо веза!

4

Безам, тешам, тешар

*Хунда аьлча Дала леррина кьобалвинчу
Иийсаца тхо хIинца цхьаь хиларна, цхьа а
маьIна дац я сунтваран а, я сунт ца варан а.
Далла хьалха маьIна долу хIума цхьаь ду:
безаман гIуллакхаш хуьлуйту тешар
(чIагIдина, кьастийна) хилар.*

- Галатахошка (5:6)

Вайх дукхахболчара дукха хан йойъу, тешар алссам хилийта гIерташ. Вайна хаьа, тешар доцуш Дела резавойла доцийла (Iебархошка, 11:6), цундела кьа а хьобгу, кьийсам а латтабо, тешар алссам хилийта. Амма тешар дага чуьра схьадолуш ду, цуьнга Делаца кьамел дарца кхочу. Соьга шу Iамалур дац тешар хила, амма тешаран агIонех лаьцна дийцалур ду. Шуьгахь тешаре кхача лаам а кхоллалур бу соьга, цу тIе кхача шу хIуьа дан реза а долуш. Тешар Делан кьайленехула бен ца хуьлу.

Ма гIерта шайн ницкьаца Делана тамехь дерг дан. ГIолехь ду дуьххьалдIа Далла хьалха а хIобттина, тийналлехь Цуьнца хан яккхар, Цунна хьайн безам а гойтуш.

Дерриге а дийнахь хьо веза пурба ло Цунна,
хьайн безам а гайта Цунна.

*«Хунда аьлча тхо, гуш долчуьнца а доцуш,
тхешан тешарца (тхайн дахар а, лелар а
Делан а, адаман а юкъаметтигех а, дала
кхоьल्लीна долчух а, тешамах а, дезачу хьюьнарх
а долчу хаарех дустуш лела) дехаиш ду»*

(Коринтхошка 2-гIа, 5:7).

Цкъа Делан Йозанийн и меттиг ас йоьшучу
хенахь,

Дала суна чIогIа ладаме бакьдерш
схьаделла долиьра. Иштта со тешарехь яха
гIерта. АЙса дахарехь хIуьа деш делахь а, суна
иза тешарца дан лаьа. Делан Йозанашка
хьаьжжина, тешар вайн дахар а, лелар а Делан
а, адаман а юкъаметтигех долчух хьан тешна
хиларца дустар ду.

Кхечу кепара аьлча, *сан тешаран тIегIа
Делан а, адаман а юкъаметтигех долчу сан
тешна хиларх доьзна ду.* Кхетий шу? Ша Iеса
хетачу стеган сатуьйсийла дац, шен тешар хир
ду аьлла. Ша ледара а, хьакь воцуш а хеташ,
Делан шега болчу безамах а ца тешаш волчу
стеган сатуьйсийла дац, шен чIогIа тешар хир
ду аьлла.

Дукхахберш гIерта тешаре кхача, амма оццу
хенахь шашь Дала леррина Кьобалвинчуьнгахь

бакъдина хиларх а ца кхеташ, Делан безамах дерг а ца хууш бу уьш.

Дукхахберш гІерта тешаре кхача, амма оццу хенахь шашь Дала леррина Къобалвинчуьнгахь бакъдина хиларх а ца кхеташ, Делан безамах дерг а ца хууш бу уьш.

Галатахошка дахьийтинчу кехато(5:6) боху: «безаман гІуллакхаш хуьлуьйту тешар хиларо». Оцу аятца доьзна иштта ойла йиллира Дала сан даг чу: «Нах иштта кхета оцу аятах: нагахь суна адамаш ца дезахь, сан тешар болх беш хир дац. Амма кхузахь дуьйцург кхин ду. Билггал долу бакъдерг иштта ду: тешаро болх ца бо, стагана ша Суна мел дукхавеза хууш ца хилча». Безам ца хилча тешаро хІумма а ца до, хьан кхинаш безарх дерг дац дуьйцуш дерг. Хьан тешар пайденна хилийта, ахь Нуьцкъалчу Далла пурба дала деза хьо везийта.

Башхалла хаалой хьуна? Вай тешарца лела, Делах тешачу хенахь, массо а хІуманна тІехь Цунах бІо а булуш. Амма хьан тешар ца хуьлу хьайн тешам боцчуьнга. Тешна ца хилча, тешам а ца хуьлу. Хьан Деле тешам хир бац, нагахь хьо тешна вацахь, хьо Цунна веза аьлла.

Нагахь хьуна билггал хаахь, хьо Далла мел веза, хьуна атта хир ду дарба схьаэца. Хьобга атта схьаэцалур ду Делера долу, хьайна оьшуш долу ахчанан гІо.

Цуьнгара совгIаташ схьа ца эцадаларан бахьана ду, хьо ца тешар Дала хьайна уьш луш хиларх. Ахьа ала тарло: «Суна лаьа цунах теша, амма муха дан деза иза?»

Делан безам хьуна чохь бу, хьуна хаа дезаш дерг цуьнан гучубалар ду. Делан Йозанашкахь аьлла: «Вайна везар ву Иза, хIунда аьлча Цунна вай хьалха дезна» (Яхььян 1-ра, 4:19). Дела везалур вацара, нагахь вай тешна дацахьара, Цунна ваьш хьлхе дезна хиларх.

Делан безам шуна чохь бу, деган кIоргенехь. Иза цигахь бу! *Далла хьо веза! Хьо исбаьхьа ву! Хьо веза ву! Хьо тамашийна ву! Далла хьо веза!* Дерриге а дуьненчохь, Далла санна, хьо цхьанне а ца веза.

Хьуна цхьа а ца оьшу, Дела воцург, амма Цо хьуна кхин адамаш ло хьан дахарехь.

Бакьдерг иштга ду, нагахь дерриге а дуьнен тIехь, хьой, Делий воцург, кхин цхьа а вацахьара, хьо чIогIа дика Ийр вара. Дела хьан уггар дика доттагI хир ву. Иза хьан майра хир ву, хьо марехь яцахь. Иза хьан да а, нана а хир ду, нагахь хьан уьш дацахь.

Далла хьо чIогIа дукхавеза. Билггал цундела массо а хIуманна тIехь хьан Цунах тешам хила мегар ду. Цуьнан безамо хьуна тешар ло Цунна ахь Шен совгIаташ схьаэца лууш хиларх. Ткьа

иза хьуна хаьалц, хьан тоьал тешар хир дац Делера цхьаь схьаэца.

Тешаро гулалкх до, Далла ваьш деза вай пурба делча. Тешаран ницкъ хьуна цхьаь везаран хьуьнарх гюьртина дац. Деле хьо везийта! Дийнахь сарралц Деле баркаллин дешнаш баха: «Веза Эла, суна хаьа Хьуна со везийла. Аллилуйя! Хастам бу Хьуна, Дада. Сийлахь хуьлда Хьан цѐ».

Смит Вигглсворт Делан сийлахь кьонах вара. Цкъа цхьаммо хаьттира цуьнга, деха дой цо дола аьлла, цо жоп делира: «Эха сохьтал сов нагахь бен дола ца до ас, амма дола ца деш а ца йоккху эха сохьтал сов хан». Цкъа цо элира, ша хЮразза гечдар доьхура, Делаца кьамел ца деш шен пхийтта минот дЯаяьлча.

Вай цхьаь дан хьовсу, амма долош дерг нийса ца доладо. Гуллакхашца Дела реза валур вац. Дала вай декьалдо, Шена деза дела. Кѐлхьардовлар санна, Цуьнан совгIаташ схьаэца йиш ю вайн.

Хьайн доьзалхо я кхин стаг кѐлхьарваккха хьан гуллакхаш дан ца оьшу. Цкъа хьалха пурьа ло Далла хьо веза, тIаккха хан яьлча хьуна везалур ву и стаг. Делан Йозанаша боху, хьан аьтто хир бу иза Гийсана гергахьа вало, нагахь хьуна иза дуьххьалдIа везахь, иза «хьехамашца» а, цхьацца гуллакхашца а

кѐлхъарваккха а ца гѐрташ. Делан Сино цунна чохъ болх бийр бу хъуна чохъ гуш болчу Делан безаман гѐбнца. Амма хъан цхъа а веза ницкъ кхочур бац, цкъа хъалха ахъ Деле хъо ца везийтахъ.

Эпасхошка дахъийтинчу кехата тѐхъ(2:8) яздина ду: «Ийсах тешна дела, Делан доккхачу диканца кѐлхъардаьхна шу...» Хъо кхетий, айхъа хѐумма а дина цахиларх кѐлхъарвалар схъаэца? Вай кѐлхъардовлар схъаэццалц, вайн хъал дог диллал вон дара.

Вайн кѐлхъардовлар цхъаний а кепара вайн дикачу гѐуллакхаш тѐхъ я вайн дика хиларна тѐхъ лаьтгаш дацара. Вай цхъана бахъанина кѐлхъардаьхна: Далла вай оццул дезна, «Шен цхъаь бен воцу Кѐант дѐваллал дезна Далла хѐара дуьне, муьлхха а Цунах тешнарг, хѐаллак а ца хуьлуш, Ша волчохъ долчу хедар доцчу дахаре кхачийтархъама» (Яхъьян, 3:16).

Делан дикалла а хъан дахарехъ Шен нуьцкъалалла гайтар санна къасто мегар ду, хъан хъашташна жоп далархъама. Иштта Шеен дикалица Дала тоьал тешар делла хъуна хъоьга кѐлхъарвалар схъаэцийта. Ткъа иштта Шен безамца хъуна тешар ло Цо, Ша хъан дарбанча вуй хоуйтуш. Цо хъуна тешар ло, Ша хъуна оьшург латтош верг вуйла хъо кхетош.

Нагахь хьо кѣлхьарваккха Цо делла тешар хьо кѣинойх дѣацѣанвала тоьаш хиллехь, оцу хьуна чохь долчу тешаро хьан дахарера кхийолу халонаш а дѣайохур ю. Нагахь санна Далла хьо везарх хьо тешахь, билггал оцунах кхета а волалуш, тѣаккха Хьан цуьнга бакъболу тешам хирбу. Хьуна хуур ду Цо цкъа а харцдерг ца дуйций, хѣунда аьлча Цунна хьо веза.

Делан Йозанийн шодинчу гочдаро (Amplified Bible) боху, тешар – иза ша а, дерриге а шегахь адамаллин дерг а Далла дѣадалар, Цунах буьззина тешам хилар, Цуьнан ницкъах, хьекъалаллах, дикаллах тешар ду (Ковлусихошка 1:4). Далла хьо веза пурба луш, хьо Јемар ву Иза веза а, Цуьнга тешам хила а, *хьан тешар хир ду.*

Далла хьо веза!

5

Кхерамах паргIатвалар

Безамца кхерам а бац (иза боцуш бу). Ткъа буъззина бакъболчу безамо (цIеначу) кхерам дIатотту, хIунда аьлча кхерам гуттар а талзарца боъзна хуьлу. Кхоьруш волчун (кхиаза ву иза) буъззина бакъболу безам бац.

- Яхъян I-ра 4:18

Кест-кеста нисло, тешарца вайн дерриг а дика хуьлу, вай тешна ду Далла ваьш дукхадезаш хиларх, вай Цунах тешна ду, амма вайн дахарехь цхьа вониг нисло. Вайн тешар лачкъийнарш хIиттина хьелаш хуьлу. Вай теша Далла вай дезарх, амма цхьа цатам хилча, Цуьнан безамах шекдовла дуьйлало вай. Цул тIаьхаь иблис догIу, вайна тIе кхерам а, ваьш бехкедар а туьйсуш, вай Делан безамах кхин а гена дахархьама. «ХIан, муха ду гIуллакхаш? Суна-м хьо Далла веза моьттура, – доккхаде иза. – Оццул дукха цатемаш а, халонаш а хIунда ю хьан? Ахь цхьа вониг а дина, Дела обгIазвахана хир ву хьуна?»

Иштта Делах бIоболар дIадолу вайн, тIаккха Цуьнга вайна гIо ца дало. Нагахь Далла хьо

везарх хьо шеквуйлуш велахь, хьох онда, тешарх вуьзна а стаг ца хилало, тIаккха иблисо атта кхерам тIетосу, ша-шен бехкевар коча доуьйту.

Инзаре дац хIара *бакъдерг*: «Буьззина бакъболчу безамо кхерам дIатотту» (Яхььян 1-ра 4:18)? Ас ехха ойла йира Делан Йозанийн оцу меттигна тIехь, цунах кхета гIерташ. Цкъа Дала эххар а кхетийра со: бакъболчу безамо кхерам дIабоккху, и бакъболу безам Ша Дела ву. Цуьнан безам мел кхачаме бу вайна хийча, вай кхеро дуьнен тIехь хIумма а дац. Цхъана а хIуманых вай кхера ца оьшу, нагахь Далла вай дезаш хилар вайна схьадиллина хилча, ваьш дIатеттина хиларх а, халонех а вай ца кхоьру.

Делан безам вай коьртаца дIахьулдаллал боккха бу. Шу кIелхьар а даьхна, паргIатдаьхна волчу Дала бехке дийр дуй шу?

Иза деш дерг иблис ду: шен бехкаш дахарца шуна довла меттиг ца йита гIерта иза. Нагахь Дала аш къа латорна шу бехке деш делахь, Цо некъ а гойту и къа дIадаккха.

ХIокху коьртан юххьехь ас Шордина гочдар далийра Яхььян 1-чу кехата тIера. Дукхахберш иштта кхета Делан Йозанийн оцу меттигах: нагахь шуна стаг везахь, шу цунах кхоьрур дац, нагахь цхъанна шу дезахь, иза шух а кхоьрур вац. Амма иштта долу кхетор нийса дац. Оцу

аято боху, нагахь Везачу Элана шаьш деза аш пурба лахь, шу цхьана а хIуманах кхоьрур дац. Далла пурба ло шаьш деза, нагахь гуттар а цхьана хIуманах кхера лууш шаьш дацахь. *Хьем ца беш Делан безам схьаэца шайна.* Кханенга ма тетта иза – Делан берриге а шайга болу безам хIинцца схьаэца.

Муьлхха кхерам эkkхош болчу Делан безамах долу дIаделлар сайга кхаьчча, цунах пайда эца йолаелира со. Тхан машен гальяла йолаеллера, тхуна моьттура бехк передачийн коробкин бу. Иза хуьйцург 500 доллар дер дара, иштта харж яр тхан хьесапехь дацара, цундела йоьхначу машенахь лелара тхо.

Цкъа Iуьйранна Дала соьга элира: «Джойс, хьо тахана езийтахьа Соьга. Хьан хIумма дан ца деза. Доккха тешар долу зуда хила ца деза хьан. Дерриг а хьуна оьшуш дерг – *дийнахь сарралц* Со везар а, хьо езийта Суна пурба далар а. Пурба ло Суна хьо тахана езийта.

Иштта Везачу Элана дерриге а дийнахь йоккхаерна кечьелира со. Цунна назманаш а локкхуш, хаза хан йоккхура ас. Цеххьана, цхьа сахьт хьалха балха вахана майра, цIа а веана, машенахь гаражана тIевогIуш, хезира суна. неI дIа а йиллина, цо элира: «Хьалхарчу скороста тIера дIа ца яккхаели соьга машен, гараж чу ца хIоттаяхь ер яц хIара». Оцу хенахь со елаяла

дагахъ а яцара, иза шашах хилира: суна чохъ долу казахетар араделира. Дала гайтира, суна чохъ казахетар а, машар а дара, хунда аьлча ерриге а Ёуьйранна со еза пурба деллера ас Цунна, цундела сан дог ца дуйхира. Далла шаш деза пурба даларца аш тешарна не! схъайоьллу. Сан елаялар сан тешар гайтар дара.

ИбрахИм волчу а веана, цуьнан клант хир ву Дала аьлча, ИбрахИм казахетта велавелира. Ткъа Саретан елаялар шеко а, цатешар а долуш дара, цундела Дала бехк баьккхира цуьнгара.

Шайна дуьхъал иблисо цхъаь деш хилча, шу цунах дела йиш ю – шуна Дела дика ма вевза, цундела шу кхеро герташ иблисо лелош дерг эрна ма ду. Шу тешна ду, Далла шу деза а деза, Цо шу Ёалаш а до!

Дэйван дешнаш а хезана, со елаелча, Дала меллаша элира соьга, амма доккха схъаделлар дара. Цо Шен дешнаш кхузза элира: «Нагахъ ахъ кхидла а хьо еза Суна пурба а лахъ, Сан безамна жоп а лахъ, Джойс, Ас цкъа а дохкойоккхур яц хьо». Цуьнан дешнаш, юхаалар санна, дерриге а ца чухула дасадаьржира: «Ас цкъа а дохкойоккхур яц хьо... Ас цкъа а дохкойоккхур яц хьо...».

Везачу Элах Ёобулуш хила, шаш дезийта Цуьнга, шайна а Иза веза, глаккха шуна атта хир ду Цунах тешам хила. Шун Везачу Элах

бЮболаро а, Цуьнга тешам хиларо а гЮ дийр
Цунна шун берриге а лаамаш кхочушбан. Ткъа
шуьга болчу Делан безамо муьлхха а кхерам
эkkхор бу.

Далла шу деза!

6

Безамо дІало

Цо дитина долу весет (декхар, тІедиллар, буьйр) шитта ду: Дела везаш верг шен динан ваша а везаш хила веза.

- Яхьъян 1-ра 4:21

Хьо – Далла дукхадезна бер ду. Хьо – шатайпа ву, хьо саннарг кхин ван а вац (хьовса Лелар 7:6). Нагахь шу оцунна тІе а доьгІна лелахь, шун дуьнене хьежар хийцалур ду. Шу кест-кеста делакежар ду, шаьш долу меттиг беркате хилар хаалуш. Урамехула догІуш, яйн шок етта а, мукъам бан а йиш ю шун, мичча шаьш доьлхуш делахь а, шаьш шатайпа а хеташ.

Хьо шатайпа хиларх а кхетта, Делан бер санна хьо лела воьлча, Ийсана дерриге а дуьне схьадаккхалур ду хьобга! Безам, цІе санна, дІасабаьржа. Амма Дала леррина Къобалвинчух лаьцна а дуьйцуш, хьо оьгІазьобхуш, резавоцуш велахь, хьобга цхьа а кІелхарваккхарна тІе валалур вац.

Ахь воккхаверца боху: «Со Делах тешаш верг ву, Ийсана тІаьхьахІоьттинарг ву», ткъа

новкъа тІехъ машенахъ хъайл цхъаъ хъалхавала гІоъртича, хъо обгІазвоьду: «Дяяла, чайник, новкъара. Хъо бахъана долуш со Делан цІийне тІаьхъавуьсуш ву». Хъо вевзий хъуна?

Хъуна массо а хенахъ, массо а хІуманна тІехъ кхиам болуш хила лаьий? Кхиамечу дахаран къайле хъан синца ю. ДуьххъалдІа алахъ: «Иблис, ас дуккха а хенахъ ладийгІира хъан аьшпашка, кхерамехъ а Іийра со. Амма хІинца суна хаьа, Іийса бахъана долуш со толамхо ву. Со – шатайпа, башха стаг ву. Со – юьхъша ву. Со – Делан хъоме бер ду, ткъа хъоьга, иблис, хІумма а хийцалур дац!»

Шуна чохъ болчу Делан безамо муьлххачу а кхерамах паргІатвоккху, цундела гонахарчарна шайн безам гайта ма кхера.

«Бакъдерг боху Ас шуьга: и Ас дийриг Сох тешачуьнга а далур ду. Кхин а сов гІуллакхаш далур ду цуьнга, хІунда аьлча Со Сайн Да волчу вoьду.» (Яхъьян 14:12)

Далла лаьа шу цунах тешийла. Шеко ма хила, Веза Эла шуьгахула гІуллакхаш дан лууш ву. Шу тешнарг дерриг а Цо лур ду шуна.

Нахаца тешаме юкъаметтигаш хила а, уьш беза а Іама.

Со хийллаза лаьттина со кхеррал чІогІа цхъа тамашениг дарна хъалха, амма Везачу Эло олура: «Дяяло, Джойс, ма кхера – гІулч яккха.

Хьобгахула Ас даккхий гIуллакхаш дийр ду». Со хьалха тасалора, Дала хIоразза а гIо дора суна. Хабий шуна, абтто цахиларх со хIунда ца кхоьру? ХIунда аьлча суна хаьа: *Далла со еза!* Цунна хаьа суна Ша везийла. Цо Шен ниIмат суна тIе Iанийна, ас сайн дахар Шех тешорхьама. Нагахь аша и саннарг дахь, нагахь шуна Дела везахь, Цунна шаьш дезий а хаьахь, дерриге а дубьненчохь шуьга аттачу яккхалур йоцуш цхьа а хало хир яц.

«Дакъасталур дуй те вай цхьаьнгге а Дала леррина Къобалвинчун безамах? Дац! Халоно,балано, вай лаьхкина леларо, мацалло, къоьлло, кхерамо я Iожалло дохур дуй те вай Цуьнан безамах? Дац! Делан Йозанаша мабохху:

”Хьо бахьана долуш хIора дийнахь тхо дайаран кхерамехь ду. Тхо даьа кечдина долу уьстагIий санна хета царна”.

Хетте а, и дерриге а гIуллакхаш хуьллушехь, ваьш Дезначо вайга уггар боккха толам боккхуйту. Со теша, я Iожалло, я дахаро, я маликаша, я жинаша, я цхьана а долуш долчо, я цхьана а хиндолчо, я цхьана а ницкъаша, я цхьана а вайна тIехь долчо, я цхьана а вайна бухахь долчо, я Дала кхоьллинчу цхьана а кхечу хIумано а вайн Веза Эла волчу,

*Дала леррина къобалвинчу Ийсагахула болчу
Делан безамах вай дАкъасто йиш цахиларх.*

Римахошка 8:35-39

Шуна сурт хІотто а хала ду, мел чІогІа лаба Далла шу ирсе хила. Цунна хала ду лан, шу догдобхна хилча. Наггахь шу дийнахь сарралц дог ца догІуш хуьлу: аш цицигна мийра туху, берашна тІе мохь хьобкху, лулахощца дов доккху, шайна обгІаз а обхуш, аш боху: «Со хаддаза болх беш ву, амма цхъанна иза ца го».

Суна девза и хьал. «Аш делккъалц бен хІунда ца доьшу?» – реза дац шу бераш цІа даьккича.

Хааий шуна, Далла иза новкъа дуйла? Суна ца лаба хІинца шуна эхь хетийта. Шу кхета лаба суна: Далла шаьш дезаш хиларх шу тешча, аша Цуьнан безамна жоп лур ду. Делан безамо шу хьаладузур ду, иза гонах болчарна тІеІенар бу. Нахана диканиг деш, церан шайга болу ларам схьаобцур бу аш.

Нагахь шаьш Далла дезаш хиларх шу кхетахь, – шу тодина хир ду, шун аьтто хир бу, шун дерриге а хьашташ кхочушдийр ду. ХІунда? ХІунда аьлча *шуьгахь синтем хир бу*. Ша шуна дала кечдинарг дІадала Делан аьтто цахилар – шун саготта хилар а, дІасахьийзар а ду. Цуьнан аьтто ца болу шун тидам Шена тІе

берзо. Далла шу Шех бюбулуш хила лаба, Ша везаш хила лаба, Шена шаьш деза аш пурба лойла а лаба.

Нагахь шу безамах дуьзна делахь, иблисе ца сацало шун дахарехь долу декъалдаран татол, хIунда аьлча безамо коьмарша хуьлуьйту. Стагехь безам хилча, цунна шен безам нахана дIабала лаба.

«Дала хьо хаьржина, хьо шатайна халкъ хилийта...» Карлабаьккхинарг 7:6

Хила тарло, хIокху сохьта хьан коьрта болх чохь хилар, хьайн доьзалан доладар бу, амма хьуна Дала хьо Шен балха юкьаозо лаахь, Цо хьо юкьаозор ву. Амма цкъа хьалха ахьа бух билла беза: *Далла хьо везарх кхетар.*

Хьайна а, хьайн хьашташ кхочушдарна а берриг а хьайн ницкъ ма байа. ДуьххьалдIа дIаала Деле хьайна хIун оьшу, тIаккха хьайн тешар а кхиош, кхечарна гIо де церан халонаш аттачу яха. Нахана гIо дан вахале хьалха, Иийсас, доIа а деш, Деца къамел дора. Цул тIаьхьа цо нахана хьехам а бора, царна тIе куьйгаш а дохкура, тIаккха нехан дахарехь тамашийна хIуманаш хуьлура. Иза ца Iара гуттар а цхьана соне а хуий, Дала Шена цхьаь даларе теша а гIерташ. Шун ала йиш ю Деле,

шайна хІун оьшу, амма шайн хьашташ кхочушдар уггар а коьрта гІуллакх ма хуьлийла шун дахарехь.

Кхечарна гІо дан хьовса, церан хьашташна жоп ло.

Билггал долу беркат – иза кхолладелла муьлхха хьаш кхочушдар ду. Делан безамо кхечеран хьашташ хьалха хІитто хьуьнар ло шуна. Тешалаш, Дала гІо дийр ду шуна беза тамехь боцу – баркалле а, реза а боцу нах беза а.

Ойла ейша, хала ма дац шаьш деза нах беза. Цунна леррина кьахьегар ца оьшу, иза-м кьинош долчуьнга а далур ду. Амма беза хьакь боцу нах безархьама синан кхиар а, собар а, гІевирззина хилар а деза. Таккха шуьга адамаш дезалур ду, уьш муха делахь а. Шун безамо уьш хуьйцур бу. Хила мега, цунна шо я пхи шо дІадер ду. Я ткье пхиь дала а тарло, амма иза дика Іалашо ю. *Ткьа шуьга хьобьжуш Іийса мел веа Іийна?*

Далла шу деза, шуна гонах берш а массо а беза Цунна, уьш кІелхьарбевлла я кьинош дерш белахь а. Цунна шу деза, шуьгахула Шен безам кхечу адамашна а бала лаьа Цунна.

Дала безаман похІма делла шуна. Шайн безам дІагайта ма кхера, оцо кхерамах а, шаьш бехкедарх а паргІатдохур ду шу. Майрра бекьа

шайн безам гонах болчаърца. ДоттагIалла гайтарна тIера дIадуьйлало. Нахе шайга хьошалгIа кхайкха, гонаха болчарна делакъежаш хила. Делан шуна дала гIуллакх ду, шу бен цуьнца лара а дийр доцуш. Аша бен царна гIуллакх дийр доцуш нах а бу. Цхьаьнгге а цаърца гергарло тасалур дац – шуьга бен. Деха Везачу Эле гайта шайна, муха балалур бу царна безам, Цо шуна эзар некъ гойтур бу!

Далла шу деза!

7

Делан безамо шу хуьйцур ду

Бакъболу безам шитта бу: вайна Дела везар бахъанехъ а доцуш, амма Далла вай дезарна, Цо Шен цхъаъ бен воцу Клант вайштира вайн кьинош дИадахаран сагIа санна.

- Яхъъян 1-ра 4:10

Далла вай деза, амма дукхахболу тешаш берш ца кхета Цуьнан безаман кIоргаллех. Делан Йозанаш Iамочу хенахъ Дала схъадиллира суна, нагахъ вайна билггал хабахъара Цунна вай мел дукхадеза, вай чIогIа сиха хийцалур дара, вайх синаца кхиьна адамаш хир дара.

Делан шайга болчу безамах ойла е. Оцу ойланаша шу хуьйцур ду. Нагахъ шайгахъ цхъа хIума шуна ца тахъ, Далла шаьш дезий а хууш, шу хийцалур ду. ХIун хаало шуна, цхъанна шаьш дезий хиьча? Шуна хазахета, бакъ дуй иза? Цо шуна ницкъ беш хуьлийла дац. Амма

дуккха а нахана шаьш ца беза. Шаьш деш дерг дерриге а ца деза царна, хГунда аьлча уьш ца кхетта шаьш керла кхоьллинарг хиларх, цундела шайн ширачу Iаламца кыйсамехь бу уьш. Хьо хьайна реза воцуш мел ву, хьо ца везаш мел ву, хьо Везачу Элана веза мел ву хаьалц, хьох майра а, хьайх бЮбулуш а стаг хир вац, *«хГунда аьлча цуьнан (стеган) дагахь йолчу ойланашка хьаьжжина иза а хир ву...»* (Кицанаш 23:7) Боккха ницкъ бу, Далла шу *чlogIa* деза бохучу бакьдолчух кхетарехь.

Далла шуьца денна а кьамелдан лаьа. Цуьнца кьамелдаро шу хуйцур ду. Нагахь аш Цунна шайн дахарехь хьалхара меттиг дIа ца лахь, аш шайна дика болх барна тIехь Цуьнан аьтто кIезиг хуьлуйтур бу. Везачу Элаца кьамел дарна хьайн хан ма кхоае, хьайн Цуьнга болу безам дIагайта, Цунна пурба ло хьо везийта. Иштта бен синехь совваьлла а, онда а, ирсе а стаг хир вац хьох.

Амма дукхахдолу адамаш иало еш ду. Царна иза шайн метта цхьаммо кхечаммо дан лаьа. *Шайна бехказлонаш ма леха.* Хила тарло хьан Делаца кьамелдар ца хилла, цундела хьо бехке хета хьуна. Хаалахь, иблисо хьобга бохур ду, хьан Iаламат дукха кхин гIуллакхаш ду, Делаца кьамел ца дича а мега. Цо хьуна цхьаь вукхунна тIаьххье бахьанаш далор ду. Амма

Делаца уллора юкъаметтигаш хиларна леррина хилалахь. *Делан Дашна тІехь ойла яро а, Делаца къамел хиларо а хуйцур ду шу.* «Суна ницкъ луш волу Дала леррина Къобалвинарг бахъана долуш, суна массо а хІума лан хаъа». (*Пилапахошка 4:13*) Дуьненчохь хІумма а дац Дала леррина Къобалвинчун ницкъаца шуьга далур доцуш.

Дала шайн хало стенна тІехь ю шайна ма-гайттинехь, иза къасто дуйлало, Ийсас массо а халонаш тІехь толам баьккхина хилар дагахь а латтадеш. Делан безам тІеэца, шайн кхачамбацарех йолу иблисан харцо дІататта, тІаккха аша толам боккхур бу!

Хила тарло, хьо нийса лелаш вац, амма хьо нислур ву, хьо керла кхоьллинарг ву аьллучух тешахь. Дагахь латтаде хъайна: «Далла хастам бу, Цо со шатайпа волуш кхолларна. Цо хаьржина со. Со – Дала хаьржина бер ду. Везачу Эло гечдина суна. ХІинца со декъалхилларг ву. *Цо сан массо а Галаташина гечдеш ду!* Делан гІоьнца со хийцалур ву, ас нийсаниг дийр ду».

Шуьга эшалур йоцуш хало ян а яц, нагахь шу билггал тешна делахь *Далла шайш дезарх!* Аша муьлххачу а халонна тІехьтолам боккхур бу.

Ойла ейша: халонех чекх а ца волуш, дуьхьалонаш а ца эшош толамхо хилалур вуй? Халонаш а, зераш а – и цхьа некъ бу синан кхиарна тIе. Шун цхьа а халонаш яцахь, тешар а стенна оьшу шуна?

Шайн халонех пайда эца синехь кхиарехь, шуьга безам болчу Деле хIун далур ду хьовса.

Нагахь аша Далла шаьш деза пурба лахь, шайна шуна Иза везахь, Цуьнан безамо шуна ницкъ лур бу, цхьана халонаша совзор дац шу шайн Iалашонна тIебоьдучу новкъахь.

Дезачу Синца со цIинийна бутт гергга хан яллалц, со Делан Безамо яхийча санна яра. Собга хоттура: «Хьуна хIун хилла? Хьо сел чIогIа хийцаелла. Цунах теша хала ду, Джойс, амма хьуна цхьаь хилла?» Хан дIайоьдура, ткьа цара юха хоьттура: «ХIун хилла хьуна?» Сан дийца ца дезара сайн хийцаяларх – иза гуш дара. Хьо Делан безамах тешна хилча, велавалар хьан юьхьа тIера дIа ца долу, хьо бIаьргашна хьалха хазлуш хуьлу, хьобгахь ницкъ хуьлу, хьайгахь кхин гIора хаало хьуна. Хьо Дезачу Синах сел вуьзна хуьлу, гонахарчу адамийн муьлхха а хьашт кхочуш а далур долуш.

Ала шайга: «Далла со веза. Со – шатайна ву, со – Цуьнан бер ду. Далла со веза!» Тешалаш оцунах, Далла шу билггал деза шуна!

Доховаларан доІа

Нагахъ ахъа хъайн Веза Эла а, Кіелхъар-
рвоккхург а хила Іийса цкъа а ца кхайкхинехъ,
хІинца де иза. Даггара хІара доІа дІаала,
тІаккха Дала леррина Къобалвинчуынца керла
дахар хир ду хъан.

*Веза Эла, со теша, Дала леррина къобалвина
Іийса, Хъан КІант – дуъне КІелхъардоккхург ву.
Со теша, Иза жІари тІехъ суна тІера велла,
сан дерриге а къинош дІа а хъош. Сан метта
жобъжахате вахана Иза, сан къиношна тІера
мах а белла. Суна догІуш долу талзар лайна Цо.
Со теша Іийса веллачуъра кхозлагІчу дийнахъ
денваларх а, хІинца Хъуна аътту агІор Іаш
хиларх а.*

*Суна Хъо овшу, Іийса. Гечдехъа сан къиношна,
кІелхъарваккхяхъа со, сан Веза Эла хилахъ.
Баркалла Хъуна, Веза Эла. Амин.*

ХІинца Іийса хъан дагчохъ ву. Дала хъуна
гечдина, Хъо Цунна хъалха бакъвина, велча хъо
стигала гІур ву.

Делан Дош хьобхуш йолу Делан тоба а карай,
Дела уллора вовза Iама. Делан Дош хааро хьан
дахар хуьйцур ду:

*«...Нагахь шу Сан дош лардеш делахь, шу
билггал Сан мурдаш ду. Шуна билггал долу
бакъдерг а девзар ду, цу бакъдолчо шу парIат
а дохур ду» (Яхъян 8:31-32)*

Деша а деша, Iама а де Делан Дош, иза хьайн
дага чохь чIагIдалийтa. Муьлххачу хьолехь
Делан Даша те хьовса, де дийне мел долу
алссам Дала леррина кьобалвинчу Iийсах тера
хилархьама (хьовса Коринтхошка 2-гIа 3:18).

Безамца, Джойс

Авторх лаъцна

Джойс Майер – шуьйра евзаш йолу Делан Йозанийн хъехархо ю. Дерриге а дуьненна тӀехь миллионашна адамашна Делан Дош хьобхуш ю иза.

Джойса бӀеннаш теманаш схъайиллина, кхузткъе итт сов киншка язйина, хӀора шарахь ткъа гергга конференции йо цо. 2004-чу шарахь 2,5 миллион цуьнан киншка йобхкина, цхъана миллинал сов маьхза дӀаса а екъна. Цуьнан телепередачашка дукхайолчу пачхьалкхашкахь хъажа мега, ткъа цуьнан радиопрограммаш кхаа бӀе радиостанцино йовзуйтуш ю.

Дала Джойс тӀекхайкхина тешаш берш Делан Дашехь чӀагӀбарна. Цхъана хенахь иза дуьненах дог диллинчарах цхъаь яра. Тахана иза дахарх зовкх хьобгуш ю, хӀунда аьлча цунна Делан Дешан бакъдолчух пайда эца а, халонаш тӀехь толамаш баха а Јемина. Джойс тешна ю толамхочуьнга кхиберш а Јамалур бу толамаш баха. Джойса лечкъа а ца деш дуьйцу шена беран хенахь ницкъбарх, дуьххьарлера маре яхар а тӀаьхьало йоцуш хиларх, дахарехь шен хиллачу ерриге а халонех а.

Цо лечкѣа ца до шен дІаяьллачу хенах дерг,
иштгачу халонашна тІеІоттавеллачунна
хѣхярш до.

Джойсан Майеран Орал Робертсонан
Оклахоман университетан богословин докторан
сийлахѣа дарж а, «Лайф Кристиан»
Флоридерчу университетан богословин а,
философин а дарж а ду. 2005-чу шеран
февралехѣ «Тайм» журналo Американ уггар а
вевзаш волчу ткѣе пхеа евангелистан терахѣна
юкѣаяхийтина Джойс Майер.

Джойс Майеран дерриге а дахарo тоьшалла
до Делан кѣинхетаме а, тешаме а хиларх. Цо
хѣоьху, хѣалха стеган дахар муха хиллехѣ а,
Делан гуттар а ю цунна меттиг, Цо гІо дийр
стагана ирсечу, самукѣанечу дахаре боьдучу
новкѣа хІотта.



Далла шу деза!

Далла лаба шу, оцунах теша а тешна, иза шайн дегнаш чохь а латтош дехийла. Дагахь латтаделаш: Далла шу кхачаме ду аьлла ца деза, Иза Ша безам болу дела деза. Делан исбаьхьа безам шайгахь буйла хааро шун дахарера муьлхха а кхерам длабоккхур бу. Делан безамехь члаглаш, ондда латталаш.

Далла вайх хЮрра а веза. Со тешна ю, вайн дукхахЮлу халонаш и бакъдерг ца хаарна ю аьлла. Нах сагатдеш а, кхоьруш а, шайх бЮо ца булуш а бу, хЮнда аьлча иблисо беллачу харц кхетаман иийсарехь бу уьш.

Шуна хаьий, Дала леррина кьобалвинчу Иийсас шаьш кЕлхьардаьхний?

Кху киншко Делан безамах долу билггал бакъдерг лур ду шуна, цо гЮо дийр ду шуна теша Дела гуттар а Шен безам шуна бала лууш хиларх.

Далла шу деза а, чЮгЛа ладаме а ду!